

Reit da sanadad Surselva SA

Decisiun da fundaziun dalla vischnaunca Ilanz/Glion

Preziada presidenta dil parlament

Stimadas parlamentarias, stimai parlamentarisch

Situaziun da partenza

Il sistem da sanadad en Svizra ei en ina fasa da transformaziun – oz ed egl avegnir. Pervia da differentas influenzas e circumstanzias fluctuontas vegn ei adina pli grev da garantir in provediment da sanadad cumplexiv da qualitat:



Quels svilups freinan buca avon la Surselva. Novas sfidas per ils furniturs da prestaziuns dat ei gia: il tema dalla munconza da personal dil fatg survegn ina muntada fetg gronda en Surselva, denter auter pervia dil svilup demographic e l'aula quota d'emigraziun. Sche personal croda ora a cuorta vosta, ei il manteniment dil provediment gia periclitau punctualmein. Il medem mument vegnan las pretensiuns professionalas adina pli complexas (el camp dalla transformaziun) – in svilup digital individual per instituziuns pintgas ei a media vosta negia via.

Il medem mument creschan las pretensiuns per ademplir las spetgas publicas eniers la qualitat: la populaziun che vegn adina pli veglia e las malsognas multiplas (cronicas) che stattan en connex cun quei pretendan adina pli consequentamein ina coordinaziun optimada dalla via dil pazient sur plirs furniturs da prestaziuns e persunas da contact (p.ex. survetsch social).

La finala han era regulaziuns pli severas davart il diember minimal da cass sco era il trend a survetschs ambulonts engrevgiau ch'il spital regiunal ha saviu contonscher l'occupaziun necessaria. En connex cun quei eis ei adina pli pretensius d'ademplir las pretensiuns da cuosts. Il futur dil spital vegn aschia mess en damonda – sper las consequenzas per il provediment da sanadad damaneivel dil domicil havess ina serrada era consequenzas negativas per la piazza economica ed il turissem ella regiun.

Actualmein stattan ils svilups numnai aunc all'entschatta; els vegnan egl avegnir denton a s'intensivar aschia ch'il status quo dil providiment da sanadad che funcziuna oz en Surselva vegn a media vosta buca pli a saver ademplier las pretensiuns. Largias el providiment san ins lu buca pli excluder.

Reit da sanadad Surselva

Per prender per mauns quellas sfidas vala ei perquei da lantschar gia oz in concept cumplessiv da providiment niev ed innovativ. Ils furniturs da prestaziuns sco era l'uniun da vischnauncas SanaSurselva proponan da fundar ina societad da menaschi comunabla. Quella pussibilitescha a cuorta vosta meglieraziuns concretas da posts impurtonts dil sistem da sanadad ed unescha a liunga vosta la gestiun strategica ed operativa dallas instituziuns actualas; in svilup persistent dil sistem da sanadad or d'ina perspectiva regionala vegn aschia garantida.

La primavera 2021 ha l'uniun da vischnauncas SanaSurselva lantschau il project «Reit da sanadad Surselva – Gesundheitsnetz Surselva» ed elaborau quel en pliras fasas ensemen cun ils furniturs da prestaziuns locals. Las finamiras surordinadas e renconuschidas dil project ein:

- garantir in providiment da sanadad per la populaziun dalla Surselva d'alta qualidad che corrispunda als basegns
- rinforzar la reit dallas instituziuns da sanadad en Surselva
- realisar las finamiras dalla politica da sanadad dil cantun (transferir la gestiun strategica ed operativa en in'organisaziun e sviluppar quella)

La realisaziun dalla reit da sanadad capeta pass per pass. Igl empram pass naven digl 1. d'october 2023 cumpeglia la fundaziun dalla societad anonima «Reit da sanadad Surselva». Ella fuorma la basa per sviluppar vinavon l'organisaziun en direcziun dil maletg empalont. Aschia vegnan tut las iniziativa (pool da collaboraturas e collaboraturs, infrastruttura dad ICT comunabla, post da coordinaziun, etc.) elaboradas dallas instituziuns da sanadad per il project messas sut in tetg. Las instituziuns actualas e lur direcziuns restan en funcziun.

Handlungsfeld	Initiativen
Fachkräftemangel	Ausbildungsverbund
	Mitarbeiterpool
	Harmonisierung der Anstellungsbedingungen
ICT-Strukturen & Prozesse	Vollständiges ICT-Inventar
	Übergreifende ICT-Governance
	Gemeinsamer Infrastrukturbetrieb
Unterstützende Aktivitäten	Personaladministration
	Beschaffungswesen
	Fachwissen
Case-Management	Koordinationsstelle

Suenter haver ademplier las premissas dil maletg empalont igl 1. da schaner 2026 vegn la gestiun strategica ed operativa ad esser ella responsabladad dalla Reit da sanadad Surselva. Ei suonda ina surdada dalla gestiun dallas instituziuns da sanadad alla Reit da sanadad; las immobilias existentas restan el possess dallas unitads da dretg oriundas. Prestaziuns da sanadad ed il contact cun la populaziun succedan vinavon al liug dallas singulas sedias.

Fuorma giuridica e structura organisatoria

La Reit da sanadad vegn fundada sco societad anonima; igl ei la finamira da stipular in intent buca suttamess alla taglia.

Ord vesta dalla grupp da lavur pussibilitescha la fuorma giuridica dalla societad anonima, cumparegliau cun la fuorma giuridica dalla fundaziun che fuss era in'opziun, ina flexibilitad pli gronda en cass da midadas organisatorias sco era ina habilitad d'agir pli agila (senza stuer discussiunar cun la survigilanza dallas fundaziuns).

La societad anonima ei el possess d'in acziunariat. Ils acziunaris elegian il gremi directiv strategic, il cussegl administrativ. Quel nominescha las personas ch'ei responsablas per la gestiun e la substituziun da quella.

Acziunariat

La radunonza generala ei igl organ suprem dalla Reit da sanadad e secumpona dils acziunaris participonts ni da lur representants.

Agen capital (corrispudent alla valur reala)

Institution	Anteil am Aktienkapital	Einzubringendes Eigenkapital
Regionalspital Surselva	36.2%	CHF 36'200
La Pumera (APH Ilanz)	8.4%	CHF 8'400
PUNTREIS	4.8%	CHF 4'800
Casa s. Martin	4.6%	CHF 4'600
da casa val lumnezia	3.8%	CHF 3'800
Casa sogn Giusep	3.2%	CHF 3'200
Kloster der Dominikanerinnen	2.1%	CHF 2'100
Spitex Foppa	1.5%	CHF 1'500
Pflegewohngruppe Vals	1.4%	CHF 1'400
Steinhauser Zentrum	1.4%	CHF 1'400
Spitex Selva	1.4%	CHF 1'400
Spitex Cadi	1.2%	CHF 1'200
Total Institutionen	70%	CHF 70'000
Gemeinde	Anteil am Aktienkapital	Einzubringendes Eigenkapital
Breil/Brigels	2.0%	CHF 2'000
Disentis/Mustér	2.0%	CHF 2'000
Falera	2.0%	CHF 2'000
Ilanz/Glion	2.0%	CHF 2'000
Laax	2.0%	CHF 2'000
Lumnezia	2.0%	CHF 2'000
Medel/Lucmagn	2.0%	CHF 2'000
Obersaxen Mundaun	2.0%	CHF 2'000
Safiental	2.0%	CHF 2'000
Sagogn	2.0%	CHF 2'000
Schluein	2.0%	CHF 2'000
Sumvitg	2.0%	CHF 2'000
Trun	2.0%	CHF 2'000
Tujetsch	2.0%	CHF 2'000
Vals	2.0%	CHF 2'000
Total Gemeinden	30%	CHF 30'000
Gesamttotal	100%	CHF 100'000

Cussegl administrativ

Il cussegl administrativ dalla Reit da sanadad consista da 5 tochen 7 personas:

- 3 tochen 5 experts dil fatg independents, da preferenza cun in connex regional
- 2 commembers politics dalla SanaSurselva (cun in connex aschi grond sco pusseivel cun il sector da sanadad), da preferenza commembers da suprastanza

Finanziaziun dalla Reit da sanadad Surselva SA egl εμπrem pass da svilup

Per saver menar la Reit da sanadad Surselva egl εμπrem pass da svilup vegn schazegiau il suandont basegns da resursas (incl. prestaziuns socialas):

Finanziaziun annuala dil budget operativ

Institution	Anteil am Aktienkapital	Einzubringendes Budget
Regionalspital Surselva	36.2%	CHF 271'900
La Pumera (APH Ilanz)	8.4%	CHF 62'700
PUNTREIS	4.8%	CHF 35'800
Casa s. Martin	4.6%	CHF 34'500
da casa val lumnezia	3.8%	CHF 28'700
Casa sogn Giusep	3.2%	CHF 24'000
Kloster der Dominikanerinnen	2.1%	CHF 15'800
Spitex Foppa	1.5%	CHF 11'200
Pflegewohngruppe Vals	1.4%	CHF 10'800
Steinhauser Zentrum	1.4%	CHF 10'300
Spitex Selva	1.4%	CHF 10'400
Spitex Cadi	1.2%	CHF 8'900
Total	70%	CHF 525'000
Gemeinde	Anteil am Aktienkapital	Einzubringendes Budget
Breil/Brigels	2.0%	CHF 15'000
Disentis/Mustér	2.0%	CHF 15'000
Falera	2.0%	CHF 15'000
Ilanz/Glion	2.0%	CHF 15'000
Laax	2.0%	CHF 15'000
Lumnezia	2.0%	CHF 15'000
Medel/Lucmagn	2.0%	CHF 15'000
Obersaxen Mundaun	2.0%	CHF 15'000
Safiental	2.0%	CHF 15'000
Sagogn	2.0%	CHF 15'000
Schluein	2.0%	CHF 15'000
Sumvitg	2.0%	CHF 15'000
Trun	2.0%	CHF 15'000
Tujetsch	2.0%	CHF 15'000
Vals	2.0%	CHF 15'000
Total Gemeinden	30%	CHF 225'000
Gesamttotal	100%	CHF 750'000

Digl october 2023 tochen il december 2025 ston ins plinavon quintar cun cuosts unics da circa CHF 500'000 per la transformaziun (fundaziun d'ina SA, tscherca da personal, accumpignament da projects extern, cussegliaziun giuridica). Analog al process d'entochen ussa lubescha la basa legala actuala d'adossar ina mesadad dils cuosts da transformaziun allas vischnauncas (via SanaSurselva) e l'autra mesadad al cantun Grischun.

Decisiun dalla suprastanza communal

Alla sesida dils 14 d'uost 2023 ha la suprastanza communal priu enconuschientscha dil concept e dallas statutas dalla Reit da sanadad Surselva SA e decidiu che la vischnaunca dad Ilanz/Glion separticipeschi alla fundaziun dalla Reit da sanadad Surselva SA.

Proposta

La suprastanza communal propona al parlament communal:

- da prender enconuschientscha dil conclus dalla suprastanza communal da separticipar alla fundaziun dalla Reit da sanadad Surselva SA.

Ilanz/Glion, ils 14 d'uost 2023

Suprastanza communal Ilanz/Glion

Aschuntas:

- concept Reit da sanadad Surselva SA